

DOM NARODA PARLAMENTA FEDERACIJE BOSNE I HERCEGOVINE

26

Na osnovu člana 7. Zakona o javnim nabavkama Bosne i Hercegovine ("Službeni glasnik BiH", broj 49/04, 19/05, 52/05, 92/05, 8/06, 24/06, 70/06 i 12/09), Odluke o načinu obrazovanja i utvrđivanju visine naknade za rad radnih tijela osnovanih od strane Vlade Federacije Bosne i Hercegovine i rukovoditelja federalnih organa državne službe ("Službene novine Federacije BiH", broj 80/07, 84/07, 6/08 i 13/09), sekretar Doma naroda donosi

RJEŠENJE

O IMENOVANJU STALNE KOMISIJE ZA PROVOĐENJE POSTUPAKA JAVNIH NABAVKI DOMA NARODA PARLAMENTA FEDERACIJE BOSNE I HERCEGOVINE

I.

U stalnu Komisiju za provođenje postupaka javnih nabavki Doma naroda Parlamenta Federacije Bosne i Hercegovine (daljnje: Komisija) imenuju se sljedeći državni službenici:

1. IVONA PELCL-KRAJTMAJER, dipl. ing. arh., predsjednik
2. EDINA RIBICA, dipl. ekonomista, član
3. ALDIN AVDIĆ dipl. pravnik, član

II.

Administrativno-tehničke poslove za potrebe Komisije obavljat će namještenica DŽENANA BAHTOVIĆ, administrativno-tehnički sekretar.

III.

Imenovane osobe dužne su u provođenju postupka javne nabavke postupati u skladu sa Zakonom o javnim nabavkama Bosne i Hercegovine ("Službeni glasnik BiH", br. 49/04, 19/05, 52/05, 92/05, 8/06, 24/06, 70/06 i 12/09).

IV.

Zadatak Komisije je da utvrdi plan rada Komisije, izradi kriterije za ocjenjivanje ponuda, obavi pregovore; u postupcima direktnog sporazuma otvori prispjele ponude, sačini zapisnik o otvaranju ponuda, ocijeni prispjele ponude i sačini izvještaj o radu i predloži sekretaru Doma naroda zaključenje ugovora na način propisan Zakonom o javnim nabavkama Bosne i Hercegovine, provedbenim propisima i općim aktima iz oblasti javne nabavke.

V.

Za rad i angažiranje u radu Komisije, predsjedniku i članovima Komisije pripada pravo na naknadu u skladu sa Odlukom o načinu obrazovanja i utvrđivanju visine naknade za rad radnih tijela osnovanih od strane Vlade Federacije Bosne i Hercegovine i rukovoditelja federalnih organa državne službe ("Službene novine Federacije BiH", br. 80/07, 84/07, 6/08 i 13/09) i članom 3. Zakona o načinu ostvarivanja ušteta u Federaciji Bosne i Hercegovine ("Službene novine Federacije BiH", broj 50/09) o čemu će se donijeti posebno rješenje.

VI.

Ovo Rješenje stupa na snagu danom donošenja i objavit će se u "Službenim novinama Federacije BiH".

Broj 02/c-05-55/10
5. januara/siječnja 2010. godine
Sarajevo

Sekretar
Doma naroda
Izmir Hadžiaović, s. r.

VLADA FEDERACIJE BOSNE I HERCEGOVINE

27

Na osnovu člana 19. stav 1. Zakona o Vladi Federacije Bosne i Hercegovine ("Službene novine Federacije BiH", broj 1/94, 8/95, 58/02, 19/03, 2/06 i 8/06) i člana 24. stav 3. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), Vlada Federacije Bosne i Hercegovine, na 130. sjednici održanoj 11. januara 2010. godine, donosi

UREDBU

O VANREDNIM MJERAMA ZAŠTITE DRŽAVNE IMOVINE I KAPITALA U PRIVREDNIM DRUŠTVIMA KOJA OBAVLJAJU DJELATNOST PROIZVODNJE ILI PROMETA NAORUŽANJA I VOJNE OPREME U FEDERACIJI BOSNE I HERCEGOVINE

Član 1.

Ovom Uredbom, radi zaštite državne imovine i kapitala u oblasti namjenske industrije, utvrđuje se nadležni organ, uslovi, mjere i postupak za preduzimanje vanrednih mjera zaštite državne imovine i kapitala u privrednim društvima koja obavljaju djelatnost proizvodnje ili prometa naoružanja i vojne opreme u Federaciji Bosne i Hercegovine.

U smislu ove Uredbe, vanredne mjere zaštite državne imovine i kapitala u privrednim društvima koja obavljaju djelatnost proizvodnje ili prometa naoružanja i vojne opreme u Federaciji Bosne i Hercegovine preduzimaju se i u postupku restrukturiranja ili reorganizacije društava sa većinskim državnim kapitalom.

Pod privrednim društvima koja obavljaju djelatnost proizvodnje ili prometa naoružanja i vojne opreme u Federaciji Bosne i Hercegovine (u daljnjem tekstu: privredna društva), u smislu ove Uredbe, podrazumijevaju se privredna društva u kojima ovlaštenja po osnovu učešća državnog kapitala vrši Federalno ministarstvo energije, rudarstva i industrije putem Federalne direkcije za namjensku industriju, na osnovu odredaba Uredbe o vršenju ovlaštenja organa Federacije Bosne i Hercegovine u privrednim društvima sa učešćem državnog kapitala ("Službene novine Federacije BiH", br. 48/05, 54/05, 42/06, 27/07, 28/07, 49/07, 74/07, 15/08, 70/08, 71/08, 4/09, 10/09, 26/09, 40/09, 46/09 i 52/09).

Član 2.

Federalno ministarstvo energije, rudarstva i industrije (u daljnjem tekstu: Ministarstvo), ukoliko su ispunjeni uslovi utvrđeni ovom Uredbom, nadležno je za preduzimanje vanrednih mjera zaštite državne imovine i kapitala u privrednim društvima.

Član 3.

Vanredne mjere zaštite državne imovine i kapitala u privrednim društvima, Ministarstvo može preduzeti ukoliko je ispunjen jedan od slijedećih uslova:

- da privredno društvo ne postupa u skladu sa odredbama Zakona o proizvodnji i prometu naoružanja i vojne opreme u Federaciji Bosne i Hercegovine ("Službene novine Federacije BiH", broj 79/07);
- da je privredno društvo platežno nesposobno ili mu prijeti platežna nesposobnost ili mu prijeti otvaranje stečajnog ili likvidacionog postupka;
- da je u privrednom društvu proces proizvodnje otežan ili obustavljen;
- da nadzorni odbor ili uprava privrednog društva nisu popunjeni u skladu sa odredbama važećih propisa ili nemaju dovoljan broj članova u skladu sa statutom privrednog društva ili je postojećim članovima istekao mandat;
- da su ispunjeni uslovi za razrješenje predsjednika ili članova nadzornog odbora privrednog društva i prije

isteka perioda na koji su imenovani u skladu sa članom 259. stav 5. Zakona o privrednim društvima ("Službene novine Federacije BiH", br. 23/99, 45/00, 2/02, 6/02, 29/03, 68/05, 91/07, 84/08, 88/08 i 7/09) ili uslovi za razrješenje sa dužnosti članova uprave i sekretara privrednog društva i prije isteka perioda na koji su imenovani u skladu sa članom 277. stav 2. Zakona o privrednim društvima.

Član 4.

Ukoliko je ispunjen jedan od uslova iz člana 3. ove Uredbe federalni ministar energije, rudarstva i industrije (u daljnjem tekstu: ministar), samoinicijativno ili na prijedlog nadzornog odbora, uprave, odbora za reviziju, sindikata privrednog društva i dioničara ili grupe dioničara, ukoliko se postupak pokreće u dioničkom društvu, može donijeti odluku o pokretanju postupka preduzimanja vanrednih mjera zaštite državne imovine i kapitala u privrednom društvu.

Prijedlog iz stava 1. ovog člana obavezno sadrži analizu stanja u privrednom društvu sa prijedlogom ekonomskih, tehnoloških, organizacionih ili kadrovskih mjera za prevazilaženje teškoća u funkcionisanju i poslovanju privrednog društva.

Član 5.

Odluku o pokretanju postupka preduzimanja vanrednih mjera zaštite državne imovine i kapitala u privrednom društvu ministar donosi samoinicijativno ili ukoliko iz dostavljene analize stanja sa prijedlogom mjera iz člana 4. ove Uredbe, ocijeni da se putem predloženih vanrednih mjera zaštite državne imovine i kapitala u privrednom društvu mogu ostvariti pozitivni finansijski ili drugi efekti i održati poslovanje.

Na odluku o pokretanju postupka preduzimanja vanrednih mjera zaštite državne imovine i kapitala u privrednom društvu saglasnost daje Vlada Federacije Bosne i Hercegovine.

Odlukom o pokretanju postupka preduzimanja vanrednih mjera imenuje se privremeni upravnik na period do okončanja postupka preduzimanja vanrednih mjera.

Danom imenovanju privremenog upravnika razrješuju se dužnosti svi članovi uprave i nadzornog odbora privrednog društva, a sva ovlaštenja uprave i nadzornog odbora privrednog društva, kao i prokuriste, zastupnika i punomoćnika privrednog društva prestaju i prenose se na privremenog upravnika.

U toku preduzimanja vanrednih mjera zaštite državne imovine i kapitala u privrednom društvu ministar može razriješiti dužnosti privremenog upravnika uz istovremeno imenovanje novog privremenog upravnika.

U toku preduzimanja vanrednih mjera zaštite državne imovine i kapitala u privrednom društvu ministar može privremenom upravniku izdavati obavezujuće smjernice.

Na osnovu odluka iz st. 1. i 4. ovog člana, koje ne podliježu obaveznoj notarskoj obradi, nadležni registarski sud i Komisija za vrijednosne papire Federacije Bosne i Hercegovine izvršit će odgovarajuće promjene u registrima.

Privremeni upravnik za vrijeme obavljanja dužnosti ima pravo na plaću i ostale naknade direktora tog privrednog društva.

Član 6.

Privremeni upravnik dužan je najkasnije u roku od 30 dana od dana donošenja odluke o preduzimanju vanrednih mjera zaštite državne imovine i kapitala u privrednom društvu, utvrditi da li u toku preduzimanja vanrednih mjera postoji potreba za radom zaposlenika privrednog društva.

Ukoliko privremeni upravnik utvrdi da iz ekonomskih, tehnoloških ili organizacionih razloga ne postoji potreba za radom zaposlenika, tim zaposlenicima može otkazati ugovor o radu.

Zaposlenici iz stava 2. ovog člana imaju prednost u zapošljavanju, ukoliko se u privrednom društvu ukaže potreba za angažovanjem novih zaposlenika.

Član 7.

Donošenjem odluke o preduzimanju vanrednih mjera zaštite državne imovine i kapitala u privrednom društvu sindikat privrednog društva obavezuje se da, u periodu preduzimanja vanrednih mjera zaštite državne imovine i kapitala, ostvarivanje zaštite ekonomskih i socijalnih prava i interesa svojih članova vrši sporazumno sa privremenim upravnikom.

Član 8.

Odluke iz člana 5. ove Uredbe, objavljuju se u "Službenim novinama Federacije BiH" i na oglasnoj tabli privrednog društva.

U postupku preduzimanja vanrednih mjera zaštite državne imovine i kapitala u privrednom društvu, na zaštitu prava dioničara shodno se primjenjuju odredbe Zakona o privrednim društvima koje se odnose na zaštitu prava dioničara u slučaju restrukturiranja ili reorganizacije društva sa većinskim državnim kapitalom.

Član 9.

Ova Uredba stupa na snagu narednog dana od dana objavljivanja u "Službenim novinama Federacije BiH".

V broj 5/10

11. januara 2010. godine
Sarajevo

Premijer
Mustafa Mujezinović, s. r.

Na temelju članka 19. stavak 1. Zakona o Vladi Federacije Bosne i Hercegovine ("Službene novine Federacije BiH", broj 1/94, 8/95, 58/02, 19/03, 2/06 i 8/06) i članka 24. stavak 3. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), Vlada Federacije Bosne i Hercegovine, na 130. sjednici održanoj 11. siječnja 2010. godine, donosi

UREDBU

O VANREDNIM MJERAMA ZAŠTITE DRŽAVNE IMOVINE I KAPITALA U GOSPODARSKIM DRUŠTVIMA KOJA OBAVLJAJU DJELATNOST PROIZVODNJE ILI PROMETA NAORUŽANJA I VOJNE OPREME U FEDERACIJI BOSNE I HERCEGOVINE

Članak 1.

Ovom Uredbom, radi zaštite državne imovine i kapitala u oblasti namjenske industrije, utvrđuje se nadležni organ, uvjeti, mjere i postupak za poduzimanje vanrednih mjera zaštite državne imovine i kapitala u gospodarskim društvima koja obavljaju djelatnost proizvodnje ili prometa naoružanja i vojne opreme u Federaciji Bosne i Hercegovine.

U smislu ove Uredbe, vanredne mjere zaštite državne imovine i kapitala u gospodarskim društvima koja obavljaju djelatnost proizvodnje ili prometa naoružanja i vojne opreme u Federaciji Bosne i Hercegovine poduzimaju se i u postupku restrukturiranja ili reorganizacije društava sa većinskim državnim kapitalom.

Pod gospodarskim društvima koja obavljaju djelatnost proizvodnje ili prometa naoružanja i vojne opreme u Federaciji Bosne i Hercegovine (u daljnjem tekstu: gospodarska društva), u smislu ove Uredbe, podrazumijevaju se gospodarska društva u kojima ovlasti na temelju učešća državnog kapitala vrši Federalno ministarstvo energije, rudarstva i industrije putem Federalne direkcije za namjensku industriju, na temelju odredaba Uredbe o vršenju ovlasti organa Federacije Bosne i Hercegovine u gospodarskim društvima sa učešćem državnog kapitala ("Službene novine Federacije BiH", br. 48/05, 54/05, 42/06, 27/07, 28/07, 49/07, 74/07, 15/08, 70/08, 71/08, 4/09, 10/09, 26/09, 40/09, 46/09 i 52/09).

Članak 2.

Federalno ministarstvo energije, rudarstva i industrije (u daljnjem tekstu: Ministarstvo), ukoliko su ispunjeni uvjeti